



Republika e Kosovës
Republika Kosova
Republic of Kosovo

REPUBLIKA E KOSOVËS REPUBLIC OF KOSOVO
KUVENDI I KOMUNËS / OPŠTINA SKENDERAJ
SHKENDRAJ

Nr. _____
No. 09-052/01-0018612/26
Data. _____
Data. 27.05.2026



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, c në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 30.04.2026, ora 08:30

REND DITE

1. Fjala hyrëse,
2. Miratimi i rendit të ditës,
3. Shqyrtimi i procesverbalit nga mbledhja e kaluara,
4. Shqyrtimi i raportit financiar janar – mars 2026, (raporton Drejtori i DBF, z Behxhet Maliqi),
5. Propozim – Vendim për rishqyrtimin e vendimin për formimin e komisionit për zgjedhjen e këshillave të fshatrave, Komuna Skenderaj, (raporton Kryetari i Komunës, z. Sami Lushtaku),
6. Propozim – Vendim për rishqyrtimin e vendimin për miratimin e planit zhvillimor komunal 2026 – 2034, (raporton Kryetari i Komunës z. Sami Lushtaku),
7. Pyetjet e këshilltarëve nën piken të ndryshme.
8. Propozim për miratimin e Draft – Rregullores për plotësimin dhe ndryshimin e rregullores nr . 01-110/01-0025382/22, të datës; 06.06.20222 për taksa, tarifa, ngarkesa dhe gjoba nr. 01-110/01-0031372/25, të datës 01.08.2025, (pikë shtesë, raportoj, Nënkryetari z. Fadil Nura).

Kryesuesja e Kuvendit, Adclina Spahiu – Alija : Përshëndetje i nderuar Kryetar i Komunës se Skenderajt z. Sami Lushtaku, i nderuari Nënkryetar z. Fadil Nura, te nderuar përfaqësues te OSBE-së, Mapl, anëtar te Kuvendit, drejtor te drejtorive, dhe ju te gjithë te pranishmit, te pranishëm ne sallë i kemi 24 anëtar, mungon me arsye Aferdita Rama ndërsa Feriz Shala besoj bashkëngjitet gjatë seancës, para se te fillojmë me rend dite, kërkoj një minutë heshtje ne nderim të Heroit Ilaz Kodra dhe 315 Dëshmorëve dhe Martirëve të rënë me 30 Prill 1999, Lavdi, para se te shkojmë me miratim te rendit te ditës, kemi një pikë shtesë, Propozim për miratimin e Draft – Rregullores për plotësimin dhe ndryshimin e rregullores nr . 01-110/01-0025382/22, të datës; 06.06.20222 për taksa, tarifa, ngarkesa dhe gjoba nr. 01-110/01-0031372/25, të datës 01.08.2025, (pikë shtesë, raportoj, Nënkryetari z. Fadil Nura), Konstatojmë se me 21 për, 0 kundër dhe 4 abstenim miratohet qe te hynë në këtë rend dite propozimi i lartcekur, vazhdojmë me piken e

radhës miratimi i rendit të ditës, e hap diskutimin, pasi që nuk kemi për diskutim shkojmë me votim, konstatohet se me 21 për, 0 kundër dhe 3 abstenim, miratohet rendit i ditës, vazhdojmë me shqyrtimin e procesverbalit nga mbledhja e kaluar, e hap diskutimin, pasi që nuk ka për diskutim, konstatohet se me 24 vota për, 0 kundër dhe 0 abstenim miratohet procesverbalit nga mbledhja e kaluar, vazhdojmë me pikën e 4 të rendit të ditës Shqyrtimi i raportit financiar janar – mars 2026, (raporton Drejtori i DBF, z Behxhet Maliqi),

Behxhet Maliqi , DBF – Faleminderit Kryesuese, përshëndetje për të gjithë, raporti financiar janar –mars behet ne baze të kërkesave për raportim bazuar ne ligjin për financa publike dhe përgjegjësi, pasi që materialin e keni marr me kohe dhe e keni shqyrtuar po e paraqes ne pika të shkurta, buxheti për vitin 2026 është 20,245,396.00€ buxhet i ndare neper kategori si paga dhe shtesa 12,472,426.00€, mallra dhe shërbime 3,181,121.00€, shërbime komunale 291,900.00€, subvencione 1,190,000.00€, si dhe investime kapitale 3,109,949.00€, nga të hyrat vetanake të bartura të vitit 2025 janë shpenzuar 193,700.18€ pastaj tek tabela 4 projektet kapitale janë shpenzuar ne dy projekte si riparimi dhe zgjerimi i ne ndaljeve për autobus dhe mbulimi i tyre, ne vlerë prej 30,000.00€ si dhe ndriçimi publik ne qytet dhe bashkësi lokale ne vlerë prej 51,733.98. ne tabelën 5 i shihni shpenzimet sipas programeve të cilat i shihni ne tabele, unë nuk po e zgjati me shumë të gjitha i keni na material, nëse keni pyetje urdhëroni.

Kryesuesja e Kuvendit, Adelina Spahiu – Alija : Faleminderit drejtor, e hapi diskutimin.

Afrim Kabashi, NSD – Faleminderit Kryesuese, përshëndetje për të gjithë Përshëndetje për ju të nderuar kolegë nga ekzekutivi dhe legjislativi.

Drejtor a ka mundësi informata më të hollësishme konkretisht tek shpenzimet buxhetore ,lloji i shpenzimeve sipas kategorive dhe nen kodeve.

Tek tabela nr 3 analitika e shpenzimeve buxhetore

Tek kodi 13610 furnizimet për zyra shpenzime të bëra 56346.94 euro.

Tek kodi 14050 mirëmbajtja e mobiljeve dhe paisjeve shpenzime të bëra 47055 euro

Tek kodi 14060 mirëmbajtja rutinore shpenzime 23122 euro, për qka është fjala për këto shpenzime të krijuara. Tek kodi 13820 avans për udhëtime zyrtare shpenzime të krijuara 5040.19 euro, e ku tek tabela nr 5 --shpenzime sipas programeve tregonë se Drejtoria e Administratës ka shpenzuar 4502 euro, si dhe nga Drejtoria për Buxhet e Financa shpenzime të bëra 539 euro, e ku po me duket për një periudhë 3 mujorshë po me duket shpenzime bukur shumë të krijuara, dhe këto mjete a janë shpenzuar nga Drejtoria e Administratës, apo janë barte nga ky drejtorat tek ndonjë resor tjetër.

Andaj i nderuari drejtor a ka mundësi të na informoni më detalisht lidhur me këto pyetje që i ngrita. Faleminderit për mirëkuptim

Behxhet Maliqi , DBF – Për mirëmbajtje të mobiljeve dhe pajisjeve në vlerë prej 47055€ këtu hyjnë mirëmbajtja e liftave dhe mirëmbajtje rutinore këtu hyjnë shpenzimet të eko natyrës si pastrimi largimi i mbeturinave, pastaj tek avans për udhëtime zyrtare përfshin vizitën e Nënkyetarit në SHBA, pastaj shpenzime furnizim për zyre përfshin shpenzimet e administratës si material zyrtar.

Floriana Halili, LVV- Faleminderit Kryesuese, përshëndetje për të gjithë, tek kodit 21300 subvencionimi për aktivitete jo publike na tregoni çka përfshin, pastaj tek mirëmbajtja rutinore çka përfshin këto shpenzime edhe një pyetje tjetër, pastaj tek tregu pastrimi a po behet nga ju apo nga pronari i cili i ka marrur ato prona nëse po nga ju cili është motivi.

Behxhet Maliqi , DBF – Për mirëmbajtje rutinore e dhashë sqarimin edhe mërehet ku përfshihen shpenzimet te eko natyrës te kodit 21300 përfshin subvencionimi i ansamblit Drenica, bartja e nxënësve shpenzimet transportit tyre.

Hysni Mehani, LVV- Faleminderit Kryesuese, përshëndetje për të gjithë, drejtor kemi pas thënë që njëherë me ardh raporti për vitin 2025 e që nuk ka ardh, ky raport do duhet të vijë në formë ma te kompletuar në mënyrë që të behet një analizë e tij te analizohen shpenzimet e buxhetit me periudhën e njëjtë të vitit të kaluar, me bëri përshtypje tek pagat në 3 mujorin e parë janë shpenzuar 4 milion e për tërë vitin i ka 12 milion, nëse mundesh me na sqaru se kjo i bëje se mbesim tek shtatori pa buxhet tek paga, çështja tjetër për me bëri krahasim te sakte është dashur të jete 3 mujori i këtij viti me 3 mujorin e vitit të kaluar për me bëri krahasime, pastaj me bëri përshtypje shpenzimet për ushqim pije dhe dreka zyrtare, në vitin e kaluar kanë qene dreka zyrtare 120,000.00€ dreka zyrtare, ushqim dhe pije ndërsa këtë vit këtë periudhë janë 36,000.00€, ka një rritje substanciale këtë vit, me na sqaru, tjetra kur të bëhet raporti duhet me kriju idenë e të qenurit raport i besueshëm.

Behxhet Maliqi , DBF –Faleminderit për pyetjet, tek pjesa e pagave janë 32% realizimi te kategoria e pagave është një realizim përtej, por në jem dëshmitar se e kemi marr pagën e 13 që i ka taku kësaj periudhe, në kushte normale qeveria është dashur të bëje alokim te mjeteve për këtë kategori, ndërsa tek pjesa furnizim për furnizim për pije që shkon tek çerdhja dhe shpija për të moshuar, ndërsa Kryetari deri me tash asnjë shpenzim personal nuk e ka për paga e që e përgëzoj për këtë praktik të mirë.

Hysni Mehani, LVV- Drejtor nëse është për paga të 13 atëherë i bëjen se ishim shku veq edhe për një muaj, ka edhe diçka me shumë është mirë me na tregu, tjetra Kryetari ka ba shpenzime me na tregu se kuj ja ka qit ato shpenzime.

Behxhet Maliqi , DBF – Normal ato shpenzime ju kanë faturu reprezentacionit kuj me ju faturu tjetër, janë 11,000.00€ shpenzim te zyra e Kryetarit shiqoni.

Nezir Bejta, LVV – Faleminderit Kryesuese, përshëndetje për të gjithë, isha ndal tek furnizimi i shkollave me pajisje kompjuterike, kisha dashtë me dite si është gjendja e shkollave si dhe këtu tek pajisjet a bëjnë pjesë edhe projektor dhe laptop që janë pjesë përbërës e një shkolle, si dhe a keni në plan të përisni me laptop të gjitha shkollat, në Gjimnaz projektor nuk ka si dhe mungojnë

edhe tabelat e mençura neper Shkolla, si dhe për shpenzimet e udhëtimit te nxënësve qe udhëtojnë nga lokalitet e largëta e përfshihen ne këto shpenzime, faleminderit.

Behxhet Maliqi , DBF – Prof i dimë borxhet e Komunës për kontratë kolektive, qe na ka penalizu ne te gjitha projektet, deri me tani rreth 5 milion janë marre nga kjo kontrate, na i dimë nevojat për renovime e investime ne Shkolla, mire po këto janë mundësit buxhetore.

Kastriot Duraku, DKA- Faleminderit për pyetjet, rreth projektit për furnizim me kompjuter vlera prej 22,620.00€ është projekt vetëm për kompjuter projektorët nuk janë pjese e këtij projekti, unë e di qe ki mungesë përvojës ne Kuvend, ne këtë shpenzim janë furnizu disa shkolla me kabinete te informatikës, jemi ne projekt te furnizimit te gjitha shkollat me projektor statik, secilën klase, tek transporti jemi duke e pagu për nxënësit qe udhëtojnë mbi 4 km një drejtim, pastaj po subvencionojmë me bursa, për inventar ne Gjimnaz jemi ne procedure te prokurimit qe do ti furnizojmë, e ceku edhe drejtori i financave qe mundësit janë tepër te vogla tek buxheti.

Nezir Bejta, LVV –Drejtor është fjala për bibliotekën e Gjimnazit, e cila ka mbetur ne Shkollën Rifat Mziu kur është zhvendos Gjimnazi nuk është kthyer prape ne Gjimnaz, si dhe a kenë bere ndoje kërkesë ne Ministri për Libra për bibliotekë dhe Gjimnazit.

Kastriot Duraku, DKA- Po prof kemi bere kërkesë tek shtëpitë botuese e te cilat na janë përgjigjur se shpejti do ta bëjmë funksionale bibliotekë e Gjimnazit.

Kryesuesja e Kuvendit, Adelina Spahiu – Alija : Faleminderit, Drejtor, ju njoftoje se anëtari i Kuvendit Feriz Shala na është bashkangjitur ne seance, shkojmë me votim te raportit financiar janar- mars 2026, konstatojmë se me 21 për , 4 kundër dhe 1 abstenim përkrahet raporti financiar janar – mars 2026, vazhdojmë me piken e 5 te rendit te ditës Propozim – Vendim për rishqyrtimin e vendimin për formimin e komisionit për zgjedhjen e këshillave të fshatrave, Komuna Skenderaj, raporton Nënkryetari i Komunës z. Fadil Nura.

Nënkryetari i Komunës, z. Fadil Nura – Faleminderit Kryesuese, përshëndetje për ju te gjithë te pranishmit, ky propozim vendim ka te beje me kuotën gjinore ta përfshini ne këtë komision për zgjedhjen e këshillave te fshatrave përfshini me shume gjininë femërorë, ju kërkoj ti jepni propozimet juve si Kuvend.

Kryesuesja e Kuvendit, Adelina Spahiu – Alija : Faleminderit Nënkryetar, e hap diskutimin për këtë pikë të rendit të ditës,

Kushtrim Dragaj, PDK – Faleminderit Kryesuese, përshëndetje për të gjithë, për ta respektuar rekomandimin e MAPL-së, na propozojmë qe Alban Berisha te zëvendësohet me Adelina Spahiu.

Kryesuesja e Kuvendit, Adelina Spahiu – Alija : Faleminderit Kushtrim, për shoqërinë civile na ka ardhur një propozim, që Milazim Mustafa të zëvendësohet me Gentiana Zeqiri.

Afrim Kabashi, NSD - Pasi që kërkohet të respektohet kuota gjinore, tërhiqem unë propozimin që të doni ju.

Kryesuesja e Kuvendit, Adelina Spahiu – Alija : Faleminderit Afrim, subjekti i pare, Hysni Mehani e ka fjalën.

Hysni Mehani, LVV- Pasi që kërkohet që në këtë komision të jete e gjinisë femërore do duhet të jete Floriana Halili, nëse do ishte në vullnetin e saj, sepse ky ndryshimi mes Afrimit e në subjekti tjetër mos po kthehet prapë për shkak të përfshirjes së entiteteve politike në komision.

Kryesuesja e Kuvendit, Adelina Spahiu – Alija : kthehet prapë nëse propozimi, keni ndonjë propozim ju subjekti i pare.

Kushtrim Dragaj, PDK – Në e propozojmë Donika Mustafa të jete pjesë e këtij komisioni.

Kryesuesja e Kuvendit, Adelina Spahiu – Alija : Atëherë Afrim është vullneti i yte me u largu nga ky komision për ta respektuar kuotën gjinore, domethënë është vullneti i yt në mungesë të gjinisë femërore nga subjekti Nisma zëvendësohet me subjektin e pare me gjininë femërore, atëherë propozimet i kem në vend të Alban Berishes zëvendësimi bëhet me mua Adelina Spahiu nga shoqëria civile Milazim Mustafa zëvendësohet me Gentiana Zeqiri si dhe Afrim Kabashi me vullnetin e tij për ta respektuar kuotën gjinore liron vendin në komision Donika Mustafa, shkojmë me votim, konstatojmë se me 22 vota për, asnjë kundër dhe 4 abstenime miratohet Propozim – Vendim për rishqyrtimin e vendimit për formimin e komisionit për zgjedhjen e këshillave të fshatrave, Komuna Skenderaj, vazhdojmë me piken e 6 Propozim – Vendim për rishqyrtimin e vendimit për miratimin e planit zhvillimor komunal 2026 – 2034, raporton Nënkryetari i Komunës z. Fadil Nura.

Nënkryetari i Komunës, z. Fadil Nura – Faleminderit Kryesuesë, propozim – vendimi ka të bëjë me rishqyrtimin e vendimit për planin zhvillimor komunal, ku ministria e ka kthyer për shkak të disa lëshimeve përmbajtësore e teknike, e të cilat i kemi rregullu ju kemi sjell me propozim, ju kërkohet që të përkrahni këtë propozim - vendim për këtë dokument me të rëndësishëm për komunën tone,

Kryesuesja e Kuvendit, Adelina Spahiu – Alija : Faleminderit e hap debatin për këtë pikë,

Hysni Mehani, LVV- Faleminderit Kryesuesë, që në fillim i kemi pasur kritikën tonë, prapë nuk po shoh sqarimet janë të mangëta po na shkakton telashe, ky dokument është dashur të kalojë

përmes kpf, a mundesh me na i thënë çka ka qene keqe dhe çka është përmirësua, cilat janë pikat kyçe si janë perimisu.

Nënkryetari i Komunës, z. Fadil Nura – Faleminderit po përpiqem ti japi disa sqarime, inçimi behet nga drejtoria, pastaj prezantimin e ka përsipër Kryetari i Komunës ne cilësinë e Zka-së, Ligji për planifikim hapësinor planifikon diskutimet publike, pastaj çështjen e hartimit te këtij dokumenti stafin nga drejtori ose nga kompania profesionale e licencuar, domethënë ka mungu programi, zona Kadastrale, MAPL-ja ka kerku me shku me forme te vendimit si te Prizerenit, si vendim te përshtatshëm e qe ne atë forme kemi shku edhe ne, ashtu siç i marrin edhe modelet tona ne shume procedura edhe Komunitat tjera, tjetër diçka nuk ka rreth këtij propozim – vendimi.

Kryesuesja e Kuvendit, Adelina Spahiu – Alija : Faleminderit dikush tjetër per diskutim, pasi nuk ka tjerë per diskutim shkojmë me votim, konstatojmë se me 21 vota për 0 kundër dhe 6 abstenim miratohet Propozim – Vendim për rishqyrtimin e vendimin për miratimin e planit zhvillimor komunal 2026 – 2034, vazhdojmë me pike e radhës piken shtese Propozim për miratimin e Draft – Rregullores për plotësimin dhe ndryshimin e rregullores nr . 01-110/01-0025382/22, të datës; 06.06.20222 për taksa, tarifa, ngarkesa dhe gjoba nr. 01-110/01-0031372/25, të datës 01.08.2025, (pikë shtesë, raporto, Nënkryetari z. Fadil Nura).

Nënkryetari i Komunës, z. Fadil Nura – Faleminderit Kryesuese, para vetes keni propozimin për plotësim ndryshimin e rregullores për taksa ngarkesa tarifa dhe gjoba dokument i hartuar nga komisioni, i bazuar ne legjislacionin përkatës ne fuqi, dokument qe ka kaluar ne diskutim publik qe i kemi marr kërkesat e dhëna për këtë dokument ku do te ndryshohet neni për tarifafat për stacionin e autobusëve linjave te autobusëve ku kemi mbajtur takim me ato biznese te autobusëve, ju kemi shpjegu qe janë tarifa te përafërta si te komunave për rreth, është ne tarife si mesatare, disa komuna ishin ne proces te rritjes se tarifave, nuk jemi shku tarifafat ne baze te ulëseve te autobusëve domethënë me tarifa fikse.

Kryesuesja e Kuvendit, Adelina Spahiu – Alija – Faleminderit Nënkryetar, e hap debatin.

Hysni Mehani, LVV- A paguajnë Komunës atu objektet atu si janë me qira, sepse kam dëgjuar se fare nuk paguajnë objektet me qira atu, shumica e pagesës për linja këtu i shkon privatit operatorit atu, për tarifafat për ulëse ma mire ka qene me ulëse mu tarifu se fikse kështu siç e keni tarifu, unë kame thënë se stacioni i autobusëve do ishe me mire te jete publik, pastaj kisha propozuar qe tarifimi te jete me ulëse, sepse do keqpërdoret.

Nënkryetari i Komunës, z. Fadil Nura – Edhe njëherë marrëveshja për stacion është sqarua kur është dhëne prona për stacion, është e rëndësishme këtu se këtu ne krijojmë te hyra e nuk kemi shpenzime atu, as për rryme, punëtor e shpenzime tjera, sa i përket tarifimit kanë qene edhe pronaret e biznese te linjave qe tarifafat te jene kështu fiksc bashke me operatorin atu, komisioni ka harruar këtu ta fut ne rregullore edhe linjën Skenderaj – Drenas me shku me tarifën e njëjtë si Skenderaj - Mitrovicë, te gjitha tjerat janë dakorduar me kompani te autobusëve edhe operatorit qe menagjon stacionin.

Hysni Mehani, LVV- Sqarime shtese edhe për objekte atu tarifat me na sqaru për objekte te stacionit, pastaj te tarifimi me ulëse do ishte me i mire, me i drejt, kisha kërkuar me i detajuar me mire këtë projekt rregullore.

Nënkryetari i Komunës, z. Fadil Nura – Duhet ta keni parasysh se asnjë koncesioner nuk investon me hup pa fitu fare, duhet ta kemi parasysh se stacionet ku menagjohen nga komunat nuk po kanë suksese nuk po ka shërbime te mira, po e përsëriti se tarifat janë ne minimale ne krahasim me Komunat për rreth, ju propozoj ta përkrahni këtë dokument me ndryshimin Skenderaj - Drenas te Hyn ne dokument, si dhe tarifën për minibusët për fshatra me i tarifu 1.5.

Kryesuesja e Kuvendit, Adelina Spahiu – Alija –Pasi qe veç po deklaroni qe ky dokument projekt rregullorja te votohet me këto dy propozimet e dhëna nga Nënkryetari dhe ju te hyjnë ne projekt rregullore, shkojmë ne votim se bashku me propozimet e dhëna, konstatojmë se me 19 vota për, 0 kundër dhe 3 abstenim miratohet bashke me propozimet e dhëna shtesë Propozim për miratimin e Draft – Rregullores për plotësimin dhe ndryshimin e rregullores nr . 01-110/01-0025382/22, të datës; 06.06.2022 për taksa, tarifa, ngarkesa dhe gjoba nr. 01-110/01-0031372/25, të datës 01.08.2025, ndërsa për piken pyetjet e këshilltareve kërkoj mirëkuptimin tuaj për shkak te agjendës qe kemi i leme pyetjet për seancën e radhës, me kaq i mbyll punimet e kësaj seance, faleminderit.

Procesmbajtësi



Kryesuesja e Kuvendit